



Jabatan Alam Sekitar

19j · 🌐



OPERASI BERSEPADU E-WASTE HARAM DI PENGKALAN KONTENA BUTTERWORTH UTARA (NBCT) PULAU PINANG BIL. 2 2025

12 FEBRUARI 2025, BUTTERWORTH – Pegawai Penguatkuasa Jabatan Alam Sekitar (JAS) Pulau Pinang telah dijemput oleh pihak KASTAM Diraja Malaysia Pulau Pinang untuk menjalankan Operasi Bersepadu E-Waste Haram di Pengkalan Kontena Butterworth Utara (NBCT) Pulau Pinang ke atas 17 buah kontena yang disyaki berisi buangan elektrik dan elektronik e-waste (SW 110).

Hasil pemeriksaan mendapati 13 buah kontena dari 17 buah kontena yang diperiksa berisi buangan elektrik dan elektronik e-waste (SW110) dan baki 4 kontena berisi buangan scrap metals. Persampelan telah dijalankan ke atas buangan elektrik dan elektronik e-waste (SW 110) tersebut untuk pengesahan Jabatan Kimia Malaysia.

Tindakan Notis Arahan diambil di bawah Seksyen 31 dan Seksyen 37 Akta Kualiti Alam Sekeliling 1974 kepada pengimport dan agen untuk arahan menghantar semula kontena tersebut ke negara asal.

#NRES

#jabatanalamsekitar

#jaspulaupinang

#alamsekitartanggungjawabbersama

#jaspp_feb2025

